

լից: Տարբերությունը միայն այն էր, որ հայերը ամուսնանալու դեպքում պետք է հարկ վճարեին և՛ այն վայրի ֆեոդալին, որտեղ արձանագրված էին, և՛ հայ եկեղեցուն: Այդ մասին պարզ կերպով նշված է էրզրումի կանոն-նամեում: Այնտեղ ասված է, որ էրզրումի վանքերի հոգեորականները «իրենց ձեռքերում սրբազան որոշումներ ունենալու պատճառով» իրավունք ունեն իրենց ենթակա անհավատներից գանձելու «ամուսնության հարկեր» („nikâh akçesi“) ըստ (նրանց մոտ) տիրող սովորության և ըստ նրանց հայեցողու-թյան»<sup>1</sup>:

Տեղի ֆեոդալին վճարվող «ոսամ-ի 'արուսիե»-ի չափը, ըստ կանոն-նամեների, կույս աղջկա ամուսնանալու դեպքում 60 ակչե էր, իսկ այրի կնոջ՝ 30: Եթե աղջիկը, կամ այրի կինը ամուսնանում էր հարեան թիմարում ար-ձանագրված մարդու հետ, այդ դեպքում նրա ծնողները պարտավոր էին հար-կի կեսը մուծել տեղի իրենց ֆեոդալին, իսկ կեսը մյուս ֆեոդալին<sup>2</sup>:

«Սելամլըկ» („Selamlık“) հարկ ողջունելու համար: Այսպես էր կոչվում ուսյաթի վճարած այն հարկը, որը տրվելու էր նոր նշանակված ֆեոդալին «նվերի» ձևով: Հարկը մեծ մասամբ բնատուրք էր:

Էրզրումի կանոն-նամեում մեղադրվում է մի ոմն սանջակ բեկ՝ Սում-բատ անունով (հավանաբար իսլամացած հայ), սելամլըկի անվան տակ ժողովրդին կողոպտելու համար: 1540 թ. նա էրզրումի վիլայիթի գյուղերի ամեն մի տնից վերցրել է մեկական զլուխ պանիր և մեկական գառ: Իսկ Մու-շի պետական պաշտոնակատարները, ասված է նույն տեղում, յուրաքանչյուր յոթ տնից վերցրել են մեկ գառ և մի զլուխ պանիր<sup>3</sup>:

«Բայրամչեկ» (Bayramcek) և կամ «բայրամլըկ» (bayramlık): Դարձյալ պարտադիր հարկ, որը գանձվում էր ուսյաթից ֆեոդալի կամ տեղում նշա-նակված կառավարչի օգտին մուսուլմանական տոների օրերին<sup>4</sup>:

«Բայրամչեկի» նման հարկեր են նաև «ոսամ-ի շահնեղի» («Resm-i şah-negi») «նաիրչեկը» և կամ «ոսամ-ի նիարեթ»ը («resm-i niyâbet»): Ըստ էր-զրումի կանոն-նամեի, որպես «ոսամ-ի նիարեթ», գանձվել է վից ակչե<sup>5</sup>:

Էրզրանի լիվայի կանոն-նամեում ասված է, որ հայկական գյուղ հանդիսա-ցող Բայուրից վերցված է 400 կարաջա ակչե «նաիրչեկ», երկու հարյուր կա-րաջա ակչե «գիվանչեկ»<sup>6</sup> և երկու հարյուր կարաջա ակչե «բայրամչեկ»<sup>7</sup>:

«Ռեսամ-ի րրգադիե» („resm-i irgadiye“) — այսպես էր կոչվում ուսյաթ-ներից տեղի ֆեոդալների օգտին տարեկան որոշ օրեր պարտադիր աշխատան-քի փոխարեն գանձված հարկը<sup>8</sup>: Անվանվում էր նաև «կուլլուկ» („kulluk“) ծառայություն իմաստով: Սա ինքնըստինքյան ցույց է տալիս գյուղացու կախյալ վիճակը ֆեոդալից:

<sup>1</sup> Erzurum kanunu, s. 68.

<sup>2</sup> Erzurum kanunu s. 69, Gürcistan kanunnâmesi s. 199.

<sup>3</sup> Erzurum kanunu, s. 67.

<sup>4</sup> Defter-i yasaha liva-i Ergani s. 149, Arabgir livasi kanunu, 171, kanuni liva-i Kayseriye s. 56.

<sup>5</sup> Erzurum kanunu, s. 68.

<sup>6</sup> Defter-i yasaha liva-i Ergani s. 149.

<sup>7</sup> Տե՛ս Defter-i yasaha liva-i Ergani, s. 151: Երեք կարաջա ակչեն հավասար է եղել մեկ օսմանյան ակչեի (նույն տեղ, էջ 131):

<sup>8</sup> Նույն տեղում: